

БАТЛАВ.

Монголын цахилгаан холбоо ХК-ийн

Нэр

Гүйцэтгэх захирал /Б.Чинбат/



БАТЛАВ.

..... ХХК-ийн

Нэр

Захирал /...../

Гарын үсэг

**МОНГОЛЫН ЦАХИЛГААН ХОЛБОО ХК БОЛОНТЕЛЕВИЗИЙН
ХОЛБОЛТЫН ГЭРЭЭ**

2023.....

№

Улаанбаатар хот

Нэг талаас: Монголын Цахилгаан Холбоо ХК /цаашид “Дамжуулагч тал” гэх/, түүнийг төлөөлж Маркетинг, борлуулалтын газрын захирал С.Нямбаяр

Нөгөө талаас: телевиз /цаашид “Телевиз” гэх/, түүнийг төлөөлж _____, нар /хамтад нь “Талууд”, зарим тохиолдолд дангаар нь “Тал” гэх/ доорхи нөхцөлийг хэлэлцэн тохиролцож, харилцан зөвшөөрснөөр энэхүү гэрээг байгуулав.

Нэг. Ерөнхий нөхцөл

1.1. Дамжуулагч нь [Кабелийн телевиз, ОТТ технологиор] олон суваг дамжуулах өөрийн сүлжээнд гэх сувгийг холбож дамжуулах, нөгөө талаас телевиз нь өөрийн хөтөлбөрийг дамжуулагчийн сүлжээгээр орон даяар хэрэглэгчдэд хүргэх зорилгоор дамжуулагчийн сүлжээнд холболт хийх болон хөтөлбөрийг дамжуулах хэлцлийн нөхцөл, түүнтэй холбоотой асуудлыг зохицуулахад энэхүү гэрээний зорилго оршино.

1.2. Талуудын эрх бүхий төлөөлөгчид энэхүү гэрээнд гарын үсэг зурж, баталгаажуулсан /тамга, тэмдэг дарах/ өдрөөс эхлэн 202... оны сарын-ний өдрөөс нэг жилийн хугацаанд хүчин төгөлдөр болно.

1.3. Гэрээний хугацаа дуусахаас 30 хоногийн өмнө талууд гэрээг цуцлах санал гаргаагүй тохиолдолд гэрээг дахин нэг жилийн хугацаатай сунгагдсанд тооцно. (ЭСВЭЛ Гэрээний хугацаа дуусахаас 30 хоногийн өмнө талууд гэрээг цуцлах санал гаргаагүй, тусгай зөвшөөрлийн хугацаа нь дууссан талын тусгай зөвшөөрөл нь сунгагдсан тохиолдолд тусгай зөвшөөрлийн баталгаажсан хуулбарыг гэрээнд хавсаргаж, тусгай зөвшөөрлийн аль түрүүлж дуусах хугацаагаар гэрээг сунгагдсанд тооцно.)

1.4. Талууд холболт, дамжуулалт хийхдээ ямар нэгэн ялгаваргүй буюу ижил нөхцөлөөр хандах, ил тод, харилцан ашигтай байх, өрсөлдөөний эсрэг шударга бус аливаа үйлдэл гаргахгүй байх зарчмуудыг баримтална.

1.5. Талууд холболт, дамжууллын гэрээнд дор дурдсан эрхийг эдэлнэ. Үүнд:
1.5.1. Талууд гэрээгээр хүлээсэн үүргээ биелүүлэхийг нөгөө талаасаа шаардах;
1.5.2. Гэрээнд нэмэлт, өөрчлөлт оруулах, цуцлах тухай санал гаргах;
1.5.3. Өөрт учирсан хохирлоо арилгуулах, нөхөн төлүүлэхийг шаардах;
1.5.4. Энэхүү гэрээнд заасан үүргээ зохих ёсоор гүйцэтгээгүй тохиолдолд энэ гэрээний 6 дугаар зүйлд заасан хариуцлагыг шат дараатайгаар хэрэглэх.

1.6. Талууд холболт, дамжуулалтын гэрээнд дор дурдсан үүргийг хүлээнэ. Үүнд:

Хуудсыг баталгаажуулсан

Дамжуулагч тал _____

Нийлүүлэгч тал _____

- 1.6.1. Гэрээгээр хүлээсэн үүргээ шударгаар биелүүлэх;
 - 1.6.2. Үйл ажиллагаа явуулах тусгай зөвшөөрөл, лицензийг зохих журмын дагуу цаг тухайд нь эрх бүхий байгууллагаас авч, хүчин төгөлдөр байдлыг нь хангаж байх, Дамжуулагч талаас өгсөн техникийн нөхцөл, шаардлагыг хангах техник, тоног төхөөрөмжтэй байх, тэдгээрийн ашиглалт үйлчилгээний хэвийн найдвартай байдлыг хангах
 - 1.6.3. Үйлчилгээний чанар, техникийн стандарт, нөхцөл шаардлагыг хангах;
 - 1.6.4. Гэрээнд заасны дагуу төлбөр төлөх;
 - 1.6.5. Гэрээгээр хүлээсэн үүргээ гуравдагч этгээдэд шилжүүлэхгүй байх, гэрээгээр хүлээсэн үүргээ биелүүлээгүй тохиолдолд хариуцлага хүлээх;
 - 1.6.6. Өөрийн буруутай үйл ажиллагааны улмаас нөгөө тал болон гуравдагч этгээдэд учруулсан хохирлыг нөхөн төлөх;
 - 1.6.7. Гэрээнээс үүдэлтэй маргаантай асуудлыг зөвшилцлийн журмаар шийдвэрлэх
 - 1.6.8. Гэрээний үүргээ биелүүлээгүй шалтгааны улмаас холболтыг салгах, хязгаарлалт хийх бол нөгөө тал болон Харилцаа холбооны зохицуулах хороонд 72 цагийн өмнө үндэслэлийн хамт, дамжуулагч талын сүлжээний хэрэглэгчдэд 48 цагийн өмнө урьдчилан мэдэгдэх;
- 1.7. Гэрээний хүчин төгөлдөр үйлчлэх хугацаа дараагийн гэрээ батлагдсан өдрөөр, талууд харилцан тохиролцож гэрээг цуцалснаар тус тус дуусгавар болно.
- 1.8. Өмнөх гэрээний нөхцөл, заалтууд нь дараагийн гэрээ байгуулагдах хүртэл харилцааг зохицуулна.
- 1.9. Энэхүү гэрээнд талууд харилцан тохиролцсоны үндсэн дээр бичгээр үйлдсэн гэрээний хэлбэрээр нэмэлт, өөрчлөлт оруулж болох бөгөөд эх хувьд засварласан буюу бусад аргаар оруулсан аливаа нэмэлт өөрчлөлтийг хүчингүйд тооцно.
- 1.10. Талууд харилцан тохиролцож энэхүү гэрээг цуцалж болно. Талуудын аль нэг нь энэхүү гэрээг хугацаанаас нь өмнө цуцлахыг хүсвэл энэ тухайгаа нөгөө талдаа ажлын 14 хоногоос доошгүй хоногийн өмнө албан бичгээр мэдэгдэх ба нөгөө тал зөвшөөрснөөр гэрээг дуусгавар болсонд тооцно.
- 1.11. Аль нэг тал нь энэхүү гэрээгээр хүлээсэн үүргээ зохих ёсоор биелүүлээгүй эсхүл удаа дараа биелүүлэхгүй байх тохиолдолд нөгөө тал нь гэрээгээр хүлээсэн үүргээ биелүүлэх тухай албан бичгийг хүргүүлнэ. Албан бичиг хүргүүлснээс хойш ажлын 5 хоногийн дотор гэрээгээр хүлээсэн үүргээ биелүүлэхгүй байгаа тохиолдолд нөгөө тал нь энэхүү гэрээний 6.3-д заасны дагуу дараагийн үүргийн гүйцэтгэлийг хангах аргыг хэрэглэх эрхтэй.
- 1.12. Энэхүү гэрээний 1.14-д заасны дагуу үүргийн гүйцэтгэлийг хангах аргыг хэрэглэж эхэлснээс хойш 14 хоногийн дотор гэрээгээр хүлээсэн үүргээ биелүүлэхгүй байх тохиолдолд нөгөө тал нэг талын санаачлагаар гэрээ цуцлах тухай албан тоотыг нөгөө талдаа хүргүүлнэ.
- 1.13. ОСДҮ-ний сүлжээгээр дахин дамжиж байгаа телевизийн бусад суваг нэмэгдэж, хасагдах, үйлчилгээний багцад шинэчлэлт өөрчлөлт оруулж буй тохиолдолд телевизийн үйлчилгээ эрхлэгч нарт урьдчилан мэдэгдэж, сувгийн дугаарлалтыг зөвхөн харилцан тохиролцсоны үндсэн дээр өөрчлөх, бусад үед гэрээнд заасан дугаарлалтыг баримтлан ажиллана.
- 1.14. Энэхүү гэрээний 1.16-д заасны дагуу Дамжуулагч сувгийн дугаарт өөрчлөлт оруулах бол Телевизэд 14 хоногийн өмнө урьдчилан мэдэгдэнэ.

Хуудсыг баталгаажуулсан

Дамжуулагч тал _____

Нийлүүлэгч тал _____

1.15. Талууд дор дурьдсан тохиолдлоос бусад ямар ч тохиолдолд холболтыг салгах, хязгаарлалт хийхгүй байна. Үүнд:

А. Давагдашгүй хүчин зүйлс;

Б. Гэрээнд оролцогч тал цаашид үйл ажиллагаа явуулах боломжгүй болсон болон дампуурсанаа албан ёсоор зарласан;

В. Гэрээнд оролцогч тал харилцан холболтын төлбөрөө төлөөгүй гэрээнд тохиролцсон хугацааг 3 сараар хэтрүүлсэн;

Г. Техникийн гэмтэл саатал гарсан, эсвэл засвар, үзлэг шалгалт хийхээр харилцан тохиролцсон;

Д. Эрх бүхий байгууллагаас хуульд заасан үндэслэл бүхий мэдэгдэл ирүүлсэн.

1.16. Телевизийн оюуны өмчийн эрхтэй контентыг талууд харилцан тохиролцож тухайлсан гэрээ, хэлцэл байгуулж дамжуулагч талын ОТТ үйлчилгээний видео санд байршуулж болно.

Хоёр. Техникийн нөхцөл, зааглах цэг

2.1. Холболт хийх техникийн нөхцөл:

2.1.1. Холболт хийхэд шаардагдах техник төхөөрөмж, түүнд тавигдах шаардлага, стандарт үзүүлэлт нь Хавсралт 1-т заасны дагуу зохицуулна. Хавсралт 1-т орсон өөрчлөлтийг тухай бүр тусгаж өөрчилж баталгаажуулна.

2.1.2. Телевизийн студиас ирэх дохио нь Монгол Улсын "Тоон телевизийн студи. 2-р хэсэг: Тоног төхөөрөмжид тавих ерөнхий шаардлага" MNS 5592-2:2016 стандарт болон олон улсын стандарт, зөвлөмжүүдийг хангасан байна.

2.1.3. Талуудын сүлжээ хооронд холболт хийх дамжуулах шугам нь өндөр хурдны шилэн кабелийн сүлжээ байна.

2.2. Зааглах цэг:

2.2.1. Зааглах цэг нь Дамжуулагч талын сүлжээний нэг хэсэг бөгөөд зааглах цэг дэх техник, төхөөрөмжийн ашиглалт, үйлчилгээг Дамжуулагч тал хариуцна.

2.2.2. Сүлжээний зааглах цэгийн байршил, холболтын зураглал нь Хавсралт 2-т заасны дагуу байна.

2.2.3. Талууд зааглах цэгээс 2 тийш шугамыг таслан хэмжилт, шалгалт хийх техникийн боломж, нөхцөлийг хангасан байна.

Гурав. Ашиглалт үйлчилгээ

3.1. Зааглах цэгээс 2 тийш Талууд өөрсдийн шугам, төхөөрөмжийн ашиглалт үйлчилгээ буюу бүрэн бүтэн байдал, тасалдалгүй найдвартай ажиллагаа, чанарын хяналт, гэмтэл засварыг хариуцна.

3.2. Талууд өөрийн сүлжээнд энэхүү гэрээгээр зохицуулж байгаа холболтод хамаарах аливаа туршилт, техникийн шинэчлэл, урьдчилан сэргийлэх хэмжилт, шалгалт хийх тохиолдолд ажиллах хугацаа, горимыг хуанлийн 14 хоногийн өмнө урьдчилан тохиролцож, мөрдөн ажиллана.

3.3. Аль нэг Тал нь нөгөө Талынхаа үйлчилгээг тасалдуулахгүй байх үүргийг хүлээх ба хэрэв гэмтэл саатал гарвал хариуцсан Тал нь шуурхай арга хэмжээ авч, нөгөө талдаа нэн даруй мэдэгдэх ба нөөц суваг, тоног төхөөрөмжид шилжүүлнэ. Энэхүү гэмтэл саатал, авсан арга хэмжээний талаар Талуудын техникийн ажилтнууд тодорхой тэмдэглэл хөтөлж, удирдлагаар баталгаажуулан хадгална.

3.4. Аль нэг Талын буруутай үйлдлээс шалтгаалан үйлчилгээ саатах, тасрах тохиолдолд буруутай этгээд нь нөгөө Тал болон хэрэглэгчийг хохироохгүй байх бүхий л арга хэмжээг /хохирлыг нөхөн төлүүлэх гэх мэт/ авна.

3.5. Техникийн гэмтэл, саатал, үзлэг үйлчилгээний үед Дамжуулагч нь Телевизийн сувгаар дараах мэдэгдэл бүхий текстийг дамжуулна.

3.5.1. Дамжуулагч талд техникийн гэмтэл, саатал гарсан бол "ДАМЖУУЛАГЧИЙН СҮЛЖЭЭНД ГЭМТЭЛ ГАРСАН ТУЛ ХҮЛЦЭЛ ӨЧЬЕ";

Хуудсыг баталгаажуулсан

Дамжуулагч тал _____

Нийлүүлэгч тал _____

- 3.5.2. Телевизийн талд гэмтэл, саатал гарсан бол "ТЕЛЕВИЗИЙН ТАЛД ГЭМТЭЛ ГАРСАН ТУЛ ХҮЛЦЭЛ ӨЧЬЕ";
- 3.5.3. Хуваарьт үзлэг, үйлчилгээ хийж байгаа бол "ТЕХНИКИЙН ҮЗЛЭГ ХИЙЖ БАЙНА." боломжтой бол хэвийн үргэлжлэх хугацааг дурдах;

3.6. Талууд ашиглалт үйлчилгээг хэвийн байлгах талаар харилцан мэдээлэл солилцох албан тушаалтан, хаяг, холбоо барих хэрэгсэл зэргийг Хавсралт 3-т заасан байна.

3.7. Телевиз өөрийн байршилаас нүүх шилжих тохиолдолд 14 хоногийн өмнө бичгээр мэдэгдэнэ. Албан бичигт үндэслэн холболт хийх ажлыг нүүснээс хойш ажлын 3 хоногийн дотор 2 тал хамтран зохион байгуулна.

Дөрөв. Төлбөр тооцоо

- 4.1. Талууд харилцан тохиролцож шилэн кабель эсвэл урсгал түрээсийн төлбөрийн хэмжээг хавсралт №4-д тусгайлан тогтооно.
- 4.2. Хавсралт 4-т заасан төлбөрийг талууд харилцан тохиролцсоны үндсэн дээр бартерийн зарчмаар барагдуулах буюу дамжуулагч талын өгсөн 50 секунд хүртэлх рекламьг телевиз нь өөрийн 1-р сувгаар өдөр бүр 19.00-22.00 цагийн хооронд эфирээрээ цацаж үзэгчдэд хүргэх үүрэгтэй. /Дамжуулагч талын 50 секунд хүртэлх хугацаатай реклам нь дамжуулагчийн болон бусад этгээдийн бүтээгдэхүүн, үйлчилгээнийх байж болох бөгөөд үнэн бодит байдлыг дамжуулагч хариуцна./
- 4.3. Талууд энэхүү гэрээнд заасан үүргээ биелүүлээгүй эсхүл зохих ёсоор биелүүлээгүй бол хугацаа хэтрүүлсэн хоног тутамд хавсралт 4-т заасан төлбөрийн дүнгийн 0.5 хувиар тооцож алданги төлнө.
- 4.4. Гэрээний хүчинтэй хугацаанд хуримтлагдсан нийт реклам цацах секундыг дамжуулагч нь идэвхижүүлэлтийн төлөвлөгөө болон бусад нөхцөл байдалтайгаа уялдуулан бүрэн цацуулах эрхтэй. /Нөхөж цацуулах боломжтой./
- 4.5. Талуудын санхүүгийн албаны холбогдох ажилтнууд нь төлбөрийн тооцоог сар бүр нийлнэ. Холбогдох ажилтны мэдээллийг Хавсралт 3-т заасан. Ажил хариуцсан хүмүүсийн ажлын зохион байгуулалт, техникийн саатал нь тооцоо хийх хугацааг хойшлуулах үндэслэл болохгүй.

Тав. Харилцан мэдээлэл солилцох

- 5.1. Телевиз нь долоо хоног бүрийн Баасан гаригийн 16:00 цагаас өмнө _____@_____ и-мэйл хаягаас дамжуулагч талын catv@mtcone.net и-мэйл хаягруу телевизийн хөтөлбөрийг илгээнэ. Телевизийн хөтөлбөр нь Хавсралт 5-т заасан форматын дагуу үг үсгийн алдаагүй байна.
- 5.2. Хөтөлбөрт өөрчлөлт оруулах бол 5.1-т заасан хаягаар дамжуулагчид 24 цагийн өмнө урьдчилан мэдэгдэж, өөрчлөлтийг оруулна.
- 5.3. Дамжуулагч талд мэдэгдэлгүй хөтөлбөрт оруулсан өөрчлөлт, хөтөлбөрийг зөрүүлснээс үүссэн аливаа гомдол, маргаантай асуудлыг дамжуулагч тал хариуцахгүй.
- 5.4. Энэхүү гэрээний хүрээнд талууд харилцан мэдээлэл солилцоход дараах зарчим, дарааллыг баримтална. Үүнд:
- 5.4.1. Энэхүү гэрээний 3.4-т зааснаас бусад тохиолдолд энэхүү гэрээтэй холбоотой харилцааг талууд албан бичгээр эсхүл и-мэйлээр баталгаажуулна.
 - 5.4.2. Нэг тал нөгөөдөө бичгээр гаргасан хүсэлтэд нөгөө тал ажлын 5 хоногийн дотор бичгээр хариу өгнө.
 - 5.4.3. Мэдээлэл солилцох холбогдох чиглэл бүрийн ажилтны мэдээллийг Хавсралт 3-т заана.
 - 5.4.4. Аль нэг талын нууц гэж үзсэн мэдээллийн нууцыг нөгөө тал хадгалах үүрэгтэй ба мэдээллийг өрсөлдөөний эсрэг ашиглахгүй.

Зургаа. Хариуцлага

- 6.1. Аль нэг тал нь энэхүү гэрээгээр хүлээсэн үүргээ зохих ёсоор биелүүлэхгүй байх эсхүл зөрчсөн тохиолдолд энэхүү гэрээ, мөн Монгол Улсын холбогдох хуулийн дагуу хариуцлага хүлээнэ.

Хуудсыг баталгаажуулсан

Дамжуулагч тал _____

Нийлүүлэгч тал _____

- 6.2. Аль нэг тал нь энэхүү гэрээгээр хүлээсэн үүргээ зохих ёсоор биелүүлээгүйн улмаас нөгөө талдаа хохирол учруулсан тохиолдолд учруулсан хохирлоо нөхөн төлөх үүрэгтэй.
- 6.3. Аль нэг тал нь энэхүү гэрээгээр хүлээсэн үүргээ зохих ёсоор биелүүлэхгүй байх, эсхүл удаа дараа биелүүлэхгүй байх тохиолдолд нөгөө тал үүргийн гүйцэтгэлийг хангах дор дурьдсан аргыг шат дараатайгаар хэрэглэнэ. Үүнд:
- 6.3.1. Гэрээгээр хүлээсэн үүргээ биелүүлэх талаар мэдэгдэл хүргүүлэх.
- 6.3.2. Энэхүү гэрээний 4.3-т заасны дагуу алданги тооцох;
- 6.3.3. Аль нэг тал нь төлбөрөө гэрээнд заасан хугацаанаас 3 сараар хэтрүүлсэн тохиолдолд 1.6.7 заалтыг хэрэгжүүлэн хязгаарлалт, салгалтыг хийх;
- 6.4. Энэхүү гэрээний 6.3-т заасан арга хэмжээг хүлээсэн нь гэрээгээр хүлээсэн үүргээ биелүүлэхгүй байх хууль зүйн үндэслэл болохгүй.
- 6.5. Доголдол гэдэг нь дамжуулагч талаас ирүүлсэн мэдээ, мэдээлэл, реклам сурталчилгааг өөрчлөн байрлуулсан, дутуу байрлуулсан, хугацаанд нь нэвтрүүлээгүй эсвэл хөтөлбөрт зарлагдсанаас өөр мэдээ, мэдээлэл сурталчилгаа байрлуулсан зэргийг хамруулан ойлгоно.

Долоо. Маргаан шийдвэрлэх

- 7.1. Энэ гэрээтэй холбогдон үүсч болох аливаа маргаан, санал зөрөлдөөнийг Талууд зөвшилцлийн журмаар шийдвэрлэхийг оролдох бөгөөд зөвшилцөлд хүрээгүй тохиолдолд маргаан, санал зөрөлдөөнийг Зохицуулах хороонд хандаж шийдвэрлүүлнэ.
- 7.2. Зохицуулах хорооноос гаргасан шийдвэрийг маргалдагч Талууд аль болох хүлээж авна. Хэрэв Зохицуулах хорооны шийдвэрийг хүлээн зөвшөөрөхгүй бол Талууд шүүхэд хандах эрхтэй.

Найм. Гэнэтийн болон давагдашгүй хүчин зүйл

- 8.1. Гэнэтийн болон давагдашгүй хүчин зүйл гэдгийг Монголын худалдаа аж үйлдвэрийн танхимаас гэрчилсэн тохиолдолд давагдашгүй хүчин зүйл гэж үзнэ.
- 8.2. Гэнэтийн болон давагдашгүй хүчин зүйлсийн улмаас Талуудын аль нэг нь гэрээнд заасан үүргээ биелүүлээгүй буюу зохих ёсоор биелүүлээгүй бол нөгөө талдаа ажлын гурав хоногийн дотор бичгээр мэдэгдэх ба энэ тохиолдолд үүрэг гүйцэтгэх хугацаа нь энэхүү нөхцөл байдал үргэлжлэх хугацаагаар хойшлогдоно.
- 8.3. Гэнэтийн болон давагдашгүй хүчин зүйлс бий болсон нь хуанлийн нэг сараас дээш хугацаагаар үргэлжилбэл Талууд асуудлыг харилцан зөвшилцөх замаар шийдвэрлэнэ.
- 8.4. Гэнэтийн болон давагдашгүй хүчин зүйл гэдэгт гал түймэр, газар хөдлөлт, салхи шуурга, аянга цахилгаан, үер усны гамшиг зэрэг байгалийн гамшиг, нийтийг хамарсан үймээн самуун, эмх замбараагүй байдал, ажил хаялт, эрчим хүчний тасалдал, сүлжээний хэт ачаалал, гуравдагч этгээдийн буруугаас сүлжээний үйлчилгээ тасалдах, эсэргүүцлийн хөдөлгөөн, гоц халдварт өвчин, дайн, террорист халдлага, төрийн эрх бүхий байгууллагын шийдвэр, хорио, цээр зэрэг талуудын хүсэл зоригоос үл хамаарах шалтгаануудыг ойлгоно.
- 8.5. Гэнэтийн болон давагдашгүй хүчин зүйл тохиолдсон үед эрх бүхий байгууллагаас үүрэг болгосон тохиолдолд нэвтрүүлгийн дундуур цаг үеийн мэдээллийг шуурхай хүргэнэ.
- 8.6. Гэнэтийн болон давагдашгүй хүчин зүйлсийн улмаас Талууд гэрээний үүргээ биелүүлээгүй эсвэл зохих ёсоор биелүүлээгүй бол хариуцлага хүлээхгүй болно.

Ес. Бусад

- 9.1. Талууд харилцан хэвийн үйл ажиллагаагаа явуулах нөхцөлийг алдагдуулах аливаа үйл ажиллагаа явуулахгүй.
- 9.2. Энэхүү гэрээнд шууд заагаагүй аливаа асуудлыг Монгол Улсын дагаж мөрдөж буй хууль тогтоомжийн дагуу шийдвэрлэнэ.
- 9.3. Талуудын төлөөлөн удирдах зөвлөл, Гүйцэтгэх захирал, өмчлөл өөрчлөгдсөн эсэхээс үл хамааран энэхүү гэрээний 1.2-т заасан хугацаанд гэрээ хүчин төгөлдөр үйлчилнэ.

Хуудсыг баталгаажуулсан

Дамжуулагч тал _____

Нийлүүлэгч тал _____

9.4. Гэрээг Монгол хэл дээр 3 хувь үйлдэж, тал тус бүр нэг нэг хувийг хадгалах бөгөөд хувь тус бүр хууль зүйн адил хүчинтэй байна. Гэрээнд гарын үсэг зурсан өдрөөс хойш "Сүлжээ хооронд харилцан холболт хийх гэрээний ерөнхий нөхцөл, орлого хуваарилах журам"-д заасны дагуу ажлын арав хоногийн дотор талууд гэрээг хавсралтуудын хамт, мөн гэрээнд орсон нэмэлт, өөрчлөлтийг тухай бүр ХХЗХ-д хүргүүлж, бүртгүүлнэ.

Талуудын албан ёсны хаяг, бусад өгөгдлүүд:	
Дамжуулагч тал:	Нийлүүлэгч талыг төлөөлж:
Монголын цахилгаан холбоо ХК Хаяг: Чингэлтэй дүүрэг 1-р хороо Энхтайваны гудамж-1, Төв шуудангийн байр. Бүртгэлийн гэрчилгээ:..... Регистрийн дугаар: 2073943 Утас: 7000-2219 Факс: 70102248 Электрон хаяг: И-мэйл хаяг:catv@mtcone.netХХК Хаяг: Бүртгэлийн гэрчилгээ:..... Регистрийн дугаар: Утас:..... Факс:..... Электрон хаяг: И-мэйл хаяг:

ГЭРЭЭ БАЙГУУЛСАН	
Дамжуулагч талыг төлөөлж:	Нийлүүлэгч талыг төлөөлж:
Монголын цахилгаан холбоо ХК-ийн Маркетинг, борлуулалтын газрын захирал С.Нямбаяр /...../ Гэрээ боловсруулсан менежер: Ж.Баттөр /...../ Хаяг: Чингэлтэй дүүрэг 1-р хороо Энхтайваны гудамж-1, Төв шуудангийн байр. Утас: 7010-2455 Факс: 70102252 телевизийн /..... / Хаяг: Утас: Факс:

Хуудсыг баталгаажуулсан

Дамжуулагч тал _____ Нийлүүлэгч тал _____

МЦХ ХК болон
.....ХХК-
ын холболтын 202... оны . .
.тоот гэрээний хавсралт 1

ХОЛБОЛТ ХИЙХ ТЕХНИКИЙН ҮЗҮҮЛЭЛТҮҮД

Телевизийн студиас өгөх дохио нь дараах стандарт, үзүүлэлтийг хангана.

ИНТЕРФЕЙС	
Дүрсийн оролт (PAL)	[SD форматаар дамжуулах бол SMPTE 259M-C (SD-SDI), ITU-R BT601 стандартыг хангасан байх.]
	SMPTE 292M (HD-SDI)
Дууны оролт	Embedded audio
ДҮРСИЙН ҮЗҮҮЛЭЛТ	
Дэлгэцийн харьцаа	16:9
SD нягтрал /пикселийн тоо/	SD-SDI, 720@50i
HD нягтрал /пикселийн тоо/	HD-SDI, 1080@50iH264
ДУУНЫ ҮЗҮҮЛЭЛТ	
Дууны түвшин	[Монгол Улсын "Тоон телевизийн студи. 2-р хэсэг: Тоног төхөөрөмжид тавих ерөнхий шаардлага" MNS 5592-2:2016 стандартад заасны дагуу дууны гаралтын түвшин -18dBFS, эгшин зуурын утга нь ± 1 байна.] EBU R128 зөвлөмжийг мөрдөнө.
Дууны кодлол	Стерео, MPEG layer 1, 2, 3 , AAC, AES

ТГ-аас авсан үзүүлэлт

Дамжуулагч тал _____
Хуудсыг баталгаажуулсан

Нийлүүлэгч тал _____

Тоног төхөөрөмжийн мэдээлэл:

[Телевизийн студийн гаралтын дамжуулах төхөөрөмжөөс ОСДҮЭ дээр байрлах хүлээн авах төхөөрөмж хүртэлх болон холболтод ашиглагдах төхөөрөмжүүдийн мэдээллийг оруулна. Зааглах цэгээр тусгаарлан төхөөрөмжийг хамаарах талуудын дор бичнэ.]

Холболтын техник, төхөөрөмжийн нэр, зориулалт	Телевиз талд	Дамжуулагч талд (ОСДҮЭ)
Хөрвүүлэх төхөөрөмж (Encoder) түүний төрөл, марк, сериал дугаар		
Дамжуулах (Tx) / Хүлээн авах (Rx) төхөөрөмж түүний төрөл марк, сериал дугаар	Tx : Mray 2 channel	Rx: Mray 2 channel
Холбох шугамын төрөл, үзүүлэлт: 1 core fiber optic гэх мэт.		1 core fiber optic
Холболтын интерфэйс: HD- SDI, SD-SDI 75 Ом BNC, GbE-MPEGolPrэх мэт өөрсдийн технологиос хамааруулан сонгож бичнэ.		HD-SDI
Бусад....		

Хуудсыг баталгаажуулсан

Дамжуулагч тал _____


Нийлүүлэгч тал _____

ЗААГЛАХ ЦЭГИЙН БАЙРШИЛ, ЗУРАГЛАЛ

	Хаяг
Зааглах цэгийн байршил	ТВ-н студи дээр байрлах HD-SDI 2 сувгийн төхөөрөмжөөс МЦХ ХК-ийн байранд байрлах студи
Тоног төхөөрөмж	Үйлдвэрлэгч орон – Хятад Марк - Mgray Суваг – 2 Дүрсийн формат – HD Interface – SDI Тэжээл – 220в

ХОЛБОЛТЫН ЗУРАГ

[Телевизийн дамжуулах төхөөрөмжөөс ОСДҮЭ-ийн хүлээн авах төхөөрөмж хүртэл ашиглагдаж байгаа бүх төхөөрөмж, хөрвүүлэх төхөөрөмж, тэдгээрийн холбогдсон байдлыг схем зургаар харуулж, зааглах цэгийг тэмдэглэх]



Дамжуулагч тал _____ Хуудсыг баталгаажуулсан Нийлүүлэгч тал _____

ХАРИЛЦАН МЭДЭЭЛЭЛ СОЛИЛЦОХ АЛБАН ТУШААЛТАН

Дамжуулагч тал

№	Чиглэл	Нэр	Албан тушаал	Утас	И-мэйл
1	Техникийн холбогдолтой асуудал гарсан үед:	Б.Цэрэнтогтох	КаТВ-ийн ахлах инженер	70102399, 96062258	Tserentogtoh@mtcone.net
2	ТВ-ийн хөтөлбөртэй холбоотой өөрчлөлт гарсан үед:	Б.Бадамбулаг	Систетийн администратор	70102399 88131010	badmaa@mtcone.net
3	Санхүүгийн холбогдолтой асуудал гарсан үед:				
4	Маркетингийн холбогдолтой асуудал гарсан үед:	Ж.Баттөр	менежер	70102455 99439021	statistics@mtcone.net

Телевизийн суваг нийлүүлэгч тал

№	Чиглэл	Нэр	Албан тушаал	Утас	И-мэйл
1	Техникийн холбогдолтой асуудал гарсан үед:				
2	ТВ-ийн хөтөлбөртэй холбоотой өөрчлөлт гарсан үед:				
3	Санхүүгийн холбогдолтой асуудал гарсан үед:				
4	Маркетингийн холбогдолтой асуудал гарсан үед:				

Хуудсыг баталгаажуулсан

Дамжуулагч тал _____

Нийлүүлэгч тал _____

ТӨЛБӨРИЙН МЭДЭЭЛЭЛ

	Төлбөрийн нэр төрөл	Төлбөрийн хэмжээ
1	Шилэн кабель эсвэл урсгал түрээсийн төлбөр	...₮

Сард гарч буй нийт урсгал зардал: тухайн телевизийн хувьд

Тайлбар:

“Сүлжээ хооронд харилцан холболт хийх, сүлжээнд холбогдох гэрээний ерөнхий нөхцөл, орлого хуваарилах журам”-ын 2.9-д зааснаар дээрх төлбөрийн хэмжээг тогтоохдоо бизнесийн аливаа алдагдлыг нөхөх зорилго агуулахгүй байх зарчмыг баримтлана.

Анхаарах асуудлууд

- ТВ-ийн эфир болон сигналын хяналт тавих, энэ нь 7хоногт нэг удаа
- Тухайн ТВ-ийн байршил болон эзэмшигч компанийн, ТВ-ийн нэр солигдож байгаа бол албан ёсоор 30 хоногийн өмнө мэдэгдэж гэрээг шинэчлэн байгуулна.

Хуудсыг баталгаажуулсан

Дамжуулагч тал _____

Нийлүүлэгч тал _____

МЦХ ХК болон
..... ХХК-ын
холболтын 20.... оны . .
.тоот гэрээний хавсралт 5

ТВ-ийн хөтөлбөрийг дараах форматаар зөвхөн Excel дээр хийсэн байх.

"....." телевиз

20....онысарын....-20....-....-....-ны өдрийн Телевизийн хөтөлбөр

20... оны ... сарын-ны Даваа гараг	
ЭХЛЭХ ЦАГ	Хөтөлбөр
8:00:00	
9:00:00	
9:30:00	
10:30:00	
12:15:00	
15:00:00	
16:00:00	
16:30:00	
18:00:00	
19:00:00	
21:00:00	
21:30:00	
22:30:00	
23:30:00	

20.... оны сарын-ны Мягмар гараг	
ЭХЛЭХ ЦАГ	Хөтөлбөр
8:00:00	
9:00:00	
9:30:00	
10:30:00	
12:30:00	
13:30:00	
15:00:00	
16:00:00	
16:30:00	
18:00:00	
19:00:00	
20:30:00	
21:00:00	
21:30:00	
23:30:00	

Хуудсыг баталгаажуулсан

Дамжуулагч тал _____

Нийлүүлэгч тал _____